

Script of Morning Gojri News Bulletin 01 December 2025 at 1015Hrs

یوہ آکا شوانی جموں بے محبوب سلطانی تیں خبر سُنو۔

RS Oath NC

پارلیمنٹ غو سرمائی اجلاس آج توں شروع ہون جا رہیو ہے ۔ تے جموں کشمیر توں چُنیا گیا 3 نوان ممبر پارلیمنٹ آج راجیہ سبھا ماتہ اجلاس غے پہلے تیہاڑے حلف چاویں گا ۔ اس ضمن ماتہ شمی اُبرائے، سجاد احمد کچلو تے چودھری محمد رمضان ناتہ نائب صدر جمہوریہ تے راجیہ سبھا غا چیر مین سی پی رادھا کرشنن حلف دواویں گا۔ واضع رہے جے ان غی کامیابی سنگ تقریباً 5 بہراں بعد راجیہ سبھا ماتہ جموں کشمیر غی نمائندگی دوبا رہ بحال وے گی۔ یاد رہے جے جموں کشمیر غی 4 نشستیں واسطے انتخاب کرایا گیا تھا ، جن ماتہ 3 نیشنل کانفرنس جماعت نے جتی تھیں جد کہ اک پی جے پی غا اُمید وارست شرمانے جتی تھی، تے انہاں نے حلف پہلاں توں ہی چاہ لی ہے۔

Budget Proposal

مالی سال 27/2026 واسطے بجٹ غی تیاریاں غا سلسلہ ماتہ محکمہ مالیات نے آج توں بجٹ تجویز ور غور کرنو شروع کر دتو ہے ۔ مہارا آکاشوانی جموں غا نمائندہ نے خبر ثوری بے جے انتظامیہ سیکٹریاں ناتہ جانکاری دتی گئی ہے جے 36 محکمان سنگ مشاورت غو سلسلو 16 دسمبر توڑی جاری رہے گو۔ اس دوران سال 26/2025 واسطے نظر ثانی تخمیناں غو جائزو لیو جائے گو، تے مالی سال 27/2026 واسطے بجٹ تخمینو تیار کیو جائے گو ، جن ماتہ آمدنی، سرمایہ جاتی خرچہ، مرکزی معاونت آلی سکیمیں، پی ایم ڈی پی تے قرضان غا معاملات شامل ویں گا۔

Dy CM Labourers

نائب وزیر اعلیٰ سریندر کمار چودھری نے اس گل ناتہ دُہراتاں واں کہیو ہے جے محنت کش طبقو جموں کشمیر غی معیشت غی ریڑھ غی بڈی ہے تے حکومت ان غی عزت، حفاظت اور روزگار غا تحفظ واسطے پُر عزم ہے۔ انہاں نے اس گل غو اظہار محنت کش تے روزگار محکمہ غی طرفوں محنت کش طبقہ ناتہ باختیار بنان ور منعقدہ اک کانفرنس سنگ خطاب غے دوران کیو ۔ جناب سریندر چودھری نے جموں کشمیر شاپس تے اسٹیبلشمنٹ بل 2025 ناتہ اک تاریخی بدلائو قرار دتو جہیڑو کاروبار ناتہ 24 گھنٹہ چلان غی اجازت دے تے مزدوراں واسطے مزید مضبوط حفاظتی انتظامات فراہم کر رہیو ہے ۔ اس تقریب غے دوران نائب وزیر اعلیٰ نے لیبر بہبود غا بکھ بکھ قانون غے تحت 1 کروڑ 99 لکھ 35 ہزار 7 سو 21 روپیاں غا ویلفئر چیک ضرورت منداں ناتہ دتا جس سنگ مزدور خانداناں ناتہ مالی مدد ملے گی۔

CS Mubarak Mandi

چیف سیکریٹری اتل دُلو نے جموں ماتہ سمارٹ سیٹی پہل غے تحت تیار کیا گیا مبارک منڈی ہیرٹیج کیفی ٹیریا لائبریری غو افتتاح کیو ہے ۔ اس سہولت غو مقصد سیلانیاں ناتہ اِ منفرد ماحول فراہم کرنو ہے جس ماتہ ورثہ تے جدید سہولیات ناتہ اک جگہ دسیو

جا سکے۔ اس تین علا وہ انہاں نے مبارک منڈی علاقہ مانہ کثیر منزلہ پارکینگ کمپلیکس غو وی نی پتھر رکھیو ہے، جس مانہ ڈوگرہ ورثہ سنگ تیار کیو جائے گو تے اس مانہ 200 لوہکی گڈی، 50 ڈو پھیا گڈیں کھلی کرن غی گنجائش رکھی گئی ہے، تانجے کیفی ٹیریہ سمیت آن آلا منصوباں مانہ سہولت مل سکے۔ اس افتتاح تے نی پتھر غی تقریب غے دوران بکھ بکھ محکماں غا افسر وی موجو دتھا۔

Prog Announcement

آکاشوانی جموں غو علاقائی خبراں آلو شعبو اک مہلک بیماری ایڈیز غا عالمی تیہاڑہ گا موقع ور 25 منٹاں غو اک خصوصی گل با تی پروگرام نشر کرے گو۔ اس پروگرام غو موضوع آگاہی حفاظت، ایچ آئی وی مانہ جانیں تے ایڈیز روکیں رکھیو گیو ہے۔ یا ہ خصوصی نشریات دوپہر بجے شروع وے گی، جس مانہ مہارا مہمان جموں کشمیر ایڈیز غی روک تھام بارے سو سائٹی تے ای ای سی ڈویژن غا اسسٹنٹ ڈائریکٹر رشیش کھجوریہ اپنی رایت تے ماہرانہ تجویز پیش کریں گا۔ جد کہ اس پروگرام غی میزبانی مہارا اینکر جگموہن شرما کریں گا۔ اس سلسلہ مانہ مزید معلوماتی پروگرام سنن واسطے آکاشوانی نیوز جموں سنگ میڈیم ویو 303 میٹر یعنی 990 کلو ہرٹز تے ایف ایم 100.3 میگا ہرٹز ور جڑیا ریں۔

Tannikoit Championship

بیا لویں جو ننیر قومی ٹینی کو انٹ چمپئن شپ پچھلے تیہاڑے گرین فیلڈ گا ندھی نگر جموں مانہ اختتام پزیر ہو گئی ہے تے تا مل ناڈو نے مجموعی چمپئن شپ ٹرافی اپنے ناں کی ہے، اس چمپئن شپ مانہ 23 ریاستاں تے مرکزی زیر انتظام علاقاں توں 550 توں متا کھلاڑیاں نے شرکت کی تھی تے یہ جموں غی بڑی ٹینی کوانٹ تقریبیاں وچوں اک تھی۔ اس دوران نوجوان خدمات تے کھیڈ غا وزیر ستیش شرما تے وزیر اعلیٰ صلاح کا ر ناصر اسلم وانی نے جتن لی ٹیم غی حوصلہ افزائی کی تے نوجوان کھلاڑیاں غا ہنر تے نظم و ضبط غی وی تعریف کی ہے۔ وزیر ستیش شرما نے کہیو جے وین جموں کشمیر مانہ قومی سطح غا مقابلوں غی میزبانی ور فخر تے حکومت کھلاڑیاں مانہ عالمی معیار غی سہولت تے موقع فراہم کرن واسطے پُر عزم ہے۔

Cricket

جموں کشمیر نے سعید مشتاق علی ٹرافی غا میچ مانہ بہار مانہ دوڑاں سنگ ہرا دتو ہے۔ کو لکتہ غا ایڈن گا رٹن میدان مانہ کھیڈیا گیا اس میچ غے دوران جموں کشمیر نے پہلاں بلے بازی کرتاں واں مقررہ اورز مانہ 159 دوڑ بنائیں تے جموں کشمیر غا بلے باز کامران اقبال نے 40 گینداں مانہ 64 دوڑ بنا غے پہلا مقام ور رہیا۔ تے اس غا جواب مانہ بہار 125 دوڑ بنا سکی۔ جموں کشمیر غی طرفوں عاقب نبی ڈار نے اہم وکٹ حاصل کر غے بہترین کارکردگی غو مظاہرہ کیو ہے۔

اس غے نال ہی خبراں غو یوہ بلیٹن ختم ہوو۔